

四庫全書

子部

欽定四庫全書

星學大成卷十五

明 萬民英 撰

三辰通載

五星

熒惑火星

總龜算法置積日數加二百二十二日以七百六十
九日九十二分九十六秒為伏見留退一終之數除
之不滿者為餘日看有多少下太陽中定星加一周

天以餘日數去之看在此何段便知定度所在

晨伏七十一日行五十一度去日二十度晨見東方
順行三百八十日行六百十四度九十分

留八日不行晨逆三十日九十八分四十八秒行八
度五十五分六十八秒夕逆三十日

留八日不行順二百八十日夕伏七十一日行度並
同前

火星論

火德南方熒惑星也一名虛漢星又名靈漢星其色赤其性禮執法之象履道而明民安國泰退逆失度或犯天闕或犯南斗或入紫微宮天下大亂死人無數行度無定故有前後順遲留逆段大抵約二年一周天順疾而行則為福入留段號天虹星招火災入逆段號天坎星主瘟疫入伏段號走曜主暴災厄

甲生人以為祿主星

乙生人以為權星

丙生人以為囚星

丁生人以為印星

戊生人以為正魁刑星 己生人以為貴星

庚生人以為蔭星 辛生人以為耗星

壬生人以為福星 癸生人以為暗星

此星廟在卯旺在丑好在戌樂未喜申好寅

鑑心經云夜生火曜照蝎宮合主三台殺伐權若然
居丑與奎婁夜生必定佐王侯○厯象賦云南方星
官在蝎宮面貴饒衣食○詩云火躔心宿職彌強生
殺權威鎮遠方斗宿度中兵任重婁奎星內祿非常

夜向申宮名喜位水金同照任朝堂星主夜逢宮度
順定招財祿兩榮昌○晝生人逢之為忌星最怕陽
宮也又不可以日生火便言忌曜須明喜樂好旺或
為祿主或為權星或是三方主或作科名星詳其所
臨宮分三合照臨察其災福如晝生見火在陰宮不
為大害臨危不危臨險不險總有災殃虎頭鼠尾都
例經云夜生忌土晝忌火各自相逢必為禍土在陽
害火在陰縱有災殃還較可○經云莫言忌火便為

災若為方主禍不來此星英雄武畧威勇猛烈大怕
酉辰二位號為怒地主人尅害骨肉鑑心經云火星
若在酉與辰其人少失二尊親又云火星行到參星
腰駝眼瞎賦云中年運蹇見生時火在酉宮賦云金
臨火位其人少失尊親火入金宮此命早拋兄弟蓋
辰酉乃金星好樂之宮火星到此相尅故為愠怒如
火命不論此若君子之命已入貴格更得劒鋒星煞
入命則為三司格局

劍鋒煞

甲戌生人劍寅鋒丑 甲申生人劍子鋒寅

甲午生人劍戌鋒辰 甲辰生人劍申鋒午未

甲寅生人劍午鋒申 甲子生人劍辰鋒戌

小人在命主不善死在八宮十宮有權此劍鋒之煞
利君子不利小人君子則貴小人則凶女人以火照
命宮者口硬心軟處性不和生得端正多與夫不和
如廟旺則貴兼以此為夫星若得地則陰潤夫宮偕

老大抵火遇夜則光金遇夜則明坐命在亥卯未者
以此為地元祿坐命在寅午戌者以此為天元印坐
命在申子辰者以此為人元壽六甲生人以火為天
官正祿與之同宮則吉

火星歌

熒惑之星本日餘須分晝夜定賢愚夜生陰位更逢

廟面色微紅眉又踈

火好夜生在陰宮主
面色微紅眉目踈秀

有武藝

兵書言詞明快氣豪麗形神上小下須大只好安身

武位居

夜生在四強四正宮主有武藝
言詞猛快有膽氣只宜武位

權握重管兵

機生來財物又居儲

夜火在命主有權
掌有財祿富貴

惟怕晝生陽

宮度面生顴骨忌肌膚大性則多燥暴常懷氣既立

身軀不招祖業資財散博弄經求及宰屠

火星剛日生為忌在

陽宮生面骨腮火急不招上祖產業
多愛博弄乃屠宰伏仗氣既立身

逢日月事何如

爺娘早逝早嗟吁

晝火逢日月
主尅父母

歲癸兩備兼文武遇

土英雄亂世需若遇金星浮更佚妻招產厄至嗚呼

火木相合主文武俱備火土相會必為亂世
之英雄更招妻產難也火金相會主妻淫佚
水與字

愛穿窬更逢計曜定遭誅

水火字同主作賊計都主惡死

天首武臣

高貴位如臨紫炁號師巫

火羅相逢主武位有權與紫炁會師巫

居財

帛財帛虛三宮兄弟主流徒田宅祖居相破蕩六宮

放火是家奴

晝火在財帛不招財帛在三宮兄弟遭徒在六宮破祖業在九宮主奴僕放火

五位長男先惡死七宮妻妾亦先殂疾厄瘟瘧腰背

曲遷移客死別人廬

晝火在五宮子息惡死七宮尅妻八宮主瘟瘧及腰駝背曲九

宮客死

居官祿有憂虞血光刑獄事區區福德宮中人

促壽陷害十相不全俱

晝火十宮主刑獄血光十一宮促壽十二宮十相不全

微妙仙經無價寶珍藏待價却沽諸

火星為性要君知日裏生人切忌之四正宮中如遇
着一主財物以天散○牛羊天喝若相逢平主財祿
自然豐齊衛分中有悲喜子孫年老有豐隆○火雖
多禮亦為心既能為福亦為逆命與身宮重疊犯正
是平生燥暴人○為人何故苦多言土孛之星與火
兼當初只喜夸雄辨反被傍人苦惡嫌○玉體痕瑕
多見傷皆因丙乙起為殃若同火土居亥位遺腹難

生亦尅娘。○火星因是晝生，凶旺在陰宮，亦有功名。
據高強逢紫炁，必然驟發至三公。○火居天蠋旺心，
初夜裏逢之，貴有餘。若是科名并命主，諫垣言路一時
居。

火星殿局朝元

火星附太陽曰朱雀捧御，附太陰曰呿赦居磨蠍。
天蠋_卯為正殿居寅申巳亥，為正廟愛尾室觜翼為
朝元。本命太歲值之建旺，則秉將帥勇銳猛烈之權。

六甲生人最佳

火星廟旺樂順留伏逆

廟宮

京東路

火入天蠋卯上名為天成天角星若生本

路身命遇之更八煞官祿宮有星學館星不開便為
貴命決之若只八煞官祿宮有星只陞朝格中富之
人如見祿馬八煞官祿無星亦是四品之官兼主武
職不在陷宮兼有官資或遇留伏逆減半

樂宮

京湖重宮

火入白羊戌上為左契右契星如人身命

遇之加臨官祿更有吉星定應兩制之貴中犯煞者
便為武職將軍之位星入八煞官祿宮皆為樞職只
作從官須兼帥職女為命婦須尋祿馬高低斷之

旺宮

兩浙路

火入磨蝎丑上名為天權天皇星若人遇

之主一生作事亨通而大富如官宮有星只作官職
斷之僧道見之有住持之望若遇兵戎必作上等郎
員留伏逆減半

順段 火入順段名為天偕天武星若人遇之有救

星更犯煞星必作武職六品之官兼為將軍女人為命婦更尋祿馬斷之

留段 火入留段名為天剋天哭星若人於身命見之皆主好殺其心不慈不仁若有救星却主平善若入陷無救星皆坐遠配軍州不祥之禍斷之

詩斷火入留段名天厭 身命逢之名恥玷

平生雖善治家生 亦被妻兒多怪念

伏段 火入伏段名為天婁天車星若人身命見之

皆犯囚刑重難而死若有救星却於分野上尋斷其
星最怕居忌陷主有不祥之禍或有救助主於爐冶
中求覓衣食亦主孤獨若婦人為風塵不善之家更
隨忌陷高低斷之

逆段 火入逆段名為天患伏尸星若人身命見之
無入格星辰皆主孤寒貧苦若陷忌定主惡疾或犯
煞無救星皆主非橫死女人產厄見血而死

詩斷火星前逆名困厄 親上施恩反作讐

在命輔身臨妻位 一生性蕩遠方遊
火星后逆名披首 心蕩花衢最耽酒
煩燥心神無三思 因茲暗裏成災咎
火星躔宿俱出玉關經玉關歌

火躔角宿號天娼 衣食隨時不善良
尅妻尅子婚難合 免教食祿見恓惶
火星偏好角星逢 角木相生勢位隆
得祿理財全在手 若逢水曜必須窮

火躔亢宿號天戈 妻妾宮中有折磨

好色損妻心不定 此人衣食必奔波

火加亢宿主離財 夜裏生人亦有災

若是日生憂壽促 只逢李計為同來

火躔氏宿號天輕 衣食生來不稱情

心性輕狂多膽智 晚來稍稍得安寧

卯宮見火為之主 未到氏宿度土度

晝生留逆遇皆凶 夜生順行多智慮

火躔房宿號天梁 官職超遷輔弼良

將相公侯名極貴 此身佩紫與金章

熒惑房二并四度 超越之人誠好武

雄豪大畧主威權 富貴榮華官職固

火躔心宿號天相 統領兵機為上將

更兼樞府四十年 富貴功名徹天上

火從心宿號明堂 初度之三正相當

統壓萬兵權至重 文星魁發少年郎

貴格云熒惑正行心宿度 高牙大纛擁旌旗

火躔尾宿號天穆 此人必定榮衣祿

安然裏面不奔馳 超騰晚景最多福

尾宿之中當防火 姦險所為難保可

不然瘡痍阻於人 亦主一生多橫禍

貴格云熒惑之星躔尾宿 禹門一躍過天池

火躔箕宿號天明 作事機權性最靈

為官須得君王用 大任終當領萬兵

箕星不要火相逢 火躔箕宿益飄蓬
箕好火風終汨沒 水星同度火須凶
火躔斗宿號天征 生殺之權有大聲
祿旺中年主富貴 位至三公及九卿
斗十八至二十一 火曜夜臨主貴極
公卿帶印掌高權 尤忌伏行生在日
火躔牛宿號天朽 先代家資盡滅亡
形貌魁梧多智勇 此生終不少年郎

牛星雖是屬丑宮 火臨此地晦朦朧

遇土不明多騫滯 縱教辰上亦生凶

火躔女宿號天暗 多成多敗心狂亂

若非木旺在宮扶 六親害盡資財散

女子如何被火煎 便教富貴壽難延

惟甲夜生行順疾 此身當在聖君前

火躔虛宿號天磨 貧困初年財不多

心愛是非耽女色 更添女子不相和

虛星屬子一陽生 火逢坎地固難明

況是北凝兼水旺 火為離曜必傷身

火躔危宿號天淋 好色貪花智勇深

破家離祖自成立 施恩終是福重興

火星齊地過危橋 夜順光明事可饒

炁若同之為旺處 官位高遷職更超

火躔室宿號天強 勇智操持武職良

更得木星來救助 定須學館作文昌

火宿從來室火猪 自知天壽命難踰

炎炎不息終為禍 男敢妻家女敗夫

貴格云熒惑德星居廟室 勲臣永鎮千秋日

火躔壁宿號天滅 兄弟兒孫道路絕

伶仃孤苦萬千般 晚年稍稍身安悅

壁宿切莫火相侵 壁為水曜夜常明

火曜來躔終不利 熒躔壁曜正刑星

火躔奎宿號天厨 衣祿生來自有餘

勇藝智高才學美 定是威名達帝都
奎木之中生火曜 文學聰明夜生照
若是逆留六八宮 不主令終亦主天
火曜婁宿號天暘 命裡逢之出贊襄
恩德又施家富貴 淵源學問翰林場
火星雖為戌宮主 若是婁中亦可住
招刑招疾且生凶 夜則順行人喜遇
貴格云熒惑當知廟樂婁 官崇威重位分茅

火躔胃宿名天沒 定是終身無子息

中間困苦又艱辛 奔走東西漫勞役

熒惑膽氣更豪雄 胃度之中且莫過

那更土并羅計合 自知壽短禍消磨

火躔昴宿號天鏤 身寒身孤性自愚

貪酒多淫心不足 到頭衣食亦無餘

昴宿正屬酉命中 火燒牛角正添愁

若是木星同度立 火無西旺水終棼

火躔畢宿號天危 身見災迤必損妻

破家蕩業須遊冶 資財耗盡走東西

畢宿雖樂月中烏 火行此地自難居

火燥不堪行沒曜 便有熒光禍自如

火躔觜宿號天淫 風花雪月四時并

浮泛自然家業破 奔馳晚歲始身榮

古法常言火轉申 誰知觜宿好相親

日月同之多眼疾 夜生順度始光明

貴格云火躔背宿福偏洪 龍躍天池氣概雄

火躔參宿號天倫 性如風火好傷身

工巧細心兼有智 做些陰陽與兒孫

參宿從來屬陰陽 火入陰陽氣自剛

陰陽配合精神足 坎離交感火明彰

火躔井宿號天終 智慧威嚴膽氣雄

衣食平平人命蹇 晚來方始見榮通

井宿半度在申宮 十七度中未位逢

火到此宮須怕水 縱逢吉曜亦無功

火躔鬼宿號天祥 此星家富少兒郎

只恐天年多天折 不然惡死沒家鄉

鬼宿為曜號金牛 火通明處鬼難當

金地火星常照灼 此星為惡不為祥

火躔柳宿號天馳 多慮多疑多是非

尅妻害子兄弟絕 平生衣食却隨時

火星居柳多驚怕 惡死猖狂甚奸詐

男女必是少年亡 女人產厄何足迂

火躔星宿號天榮 必定前程有大聲

更得十宮星有力 為官穩穩到公卿

火星切忌來星馬 損父元來從母嫁

日生最重夜生輕 處世忙忙無少暇

火躔張宿號天韻 汨沒平生難共說

若非壽夭父母亡 尅子害妻兄弟缺

張宿更在午星遊 火曜逢宵展大猷

木曜同躔張宿上 若加祿主位封侯

火躔翼宿號天憐 心性猖狂學少成

智術多端加嗜慾 衣食生來却稱情

翼宿屬在雙女宮 火臨初夏氣英雄

火曜不堪來此立 那堪見水又無功

貴格云火星最好來躔翼 輔佐邦家權要職

火躔軫宿號天暴 手足風狂損年少

晚年衣食稍平安 只恐妻兒命難保

軫宿屬水又水宮 兩逢水曜氣英雄

火曜不堪來此立 身遭鬼尅不堪供

火星同度

火星在天蝎是本宮自氐宿五度八十一分至十一度十一分係行火度不為廟度自氐宿二度至三度為正廟不居此度為向廟在磨蝎宮斗宿十八度至二十度并牛宿初度為正旺白羊為本宮是次旺生時遇之主為重權之人熒惑為明堂火之廟也主為

將相秉重權有威望若在房二度者亦旺二十年或在心初度至三度為上將統萬兵出將入相四十年見土為旺見金水好神仙之事見首尾私通國戚見水以賤為妻若在斗十八度及二十一度必為公卿即二十年秉生殺之權常帶將相之印仍不犯日月及水土則貴若見水則被人妬若在四正宮為本宮居奎宿則有文章若逆行第七八不善終雖順行亦損壽見血亡與木相資與金相仇與水相惡同宮為

水尅即惡死

日度為人性急幹事不免是非一生被人作念損祖
財老當刀兵之厄是主星夜生有位日生有財不是
主星平生多訟好色慾變善為惡晝生帶劍死

月度主性急食卑下之祿雖聰明亦短天其人出言
不實多是非與人交結不久長多有暗昧災因丈人
有厄是主星得免

木度主一生多災厄因疾病中損害四肢或犯風狂

損傷男女是主星得吉曜相助則可減矣

火度主威名嚴厲一生足詞智因武藝則有鋒芒多
子孫亦忌小人相損若是主星總被人損亦不成事
因此得重祿更兼勇智超羣若有損即轉貴土度主
損兄弟男女主惡死木見則免三十二以後有財

金度主一生多受貧窘因女人敗聲名木見則免若
是主星晝生轉加福力身有貴位

水度主一生多災厄施恩德有不善之報

金星入宮
卷十五
火星入宮

日宮作事多成為人性急有聲名善決斷有武勇作
文詞是主星有權兵之貴不是主星目疾損父母或
天死天乙可免

月宮主性格不安定多驚怕出言不審是非若是主
星夜生有位日生有財不是主星夜微有福日生被
婦人損陷亦主促壽不善終

木宮主得王者任用有兵權之貴為人內剛外柔於

人有義見事深遠是主星有權貴不是主星大富

火宮為人性堅密有道藝好文才足聲名富貴機巧
若是主星富貴非常不是主星性急忠直外敏內剛
知人災福又好燒煉夜生富貴晝生財薄

土宮性急形貌魁偉有勇志損祖業兄弟好行凶惡
招暗中是非有惡聲名不足畏懼是主星好殺有權
不是主星多因殺害而死

金宮好色損妻好鬪爭見事不遠與人交結無終始

是主星微有職位不是主星微有財

水宮工巧細心有財智多刑獄好殺害一生多被人阻撓與人結交無終始是主星見小利不顧大事幹事多成每被人損陷是主星可免非主星因小人損陷性命

火星同宮

火星同宮主性凶惡好殺害土是主星晝生火是主星夜生及順行本位至防禦練土是主星夜生火是

主星晝生各乘旺氣可主監司如不乘旺氣主微職
亦主多疾橫終腰疾言語吃滯

詩斷火星會土福偏隆 錦繡文章氣概雄

南極星官添福壽 封侯萬戶食千鍾

火金同宮主性急燥見事不長一生少得婦人私愛
多被婦人損陷難婚姻妻妾不良多淫慾

詩斷火星度會喜逢金 百六當之慶瑞深

人若逢之登上第 佳名蕃衍世皆欽

自來熒惑怕逢金 共照陰陽必主淫

更有惡星刑戰着 不過強仕即悲吟

火水同宮主平生多學道藝兼好文章若俱順行不
伏逆者是事有成伏逆者每事多難有善星相扶助
主有位無善星助主目疾

詩斷火星怕與水星交 困苦相殘百事消

隳癰凌遲逢百六 夫妻父母總相拋

火如逢水自相刑 怕在陽宮與晝生

不滿三旬防橫死 若能知命學修行

火木同宮主大富貴有權位主兵刑在壽限主長命
在陽宮薄壽

詩斷木星會火喜偏饒 值此官尊福壽超

百六會時家國泰 忠臣孝子滿皇朝

火同木德斷無災 必主其人健有才

足智多謀身早達 官居五品亦奇哉

火羅同宮日則凶夜生主為國臣在九官方主無力

主燒屋

詩斷火星最忌見羅睺
害義傷廉事大愁
兵火焚燒多劫掠
金倉谷府總無留
火計同宮主患癰癰而死日生燒屋

詩斷火宿偏嫌會計都
金人風疾怪刑軀
丐殍寒賤終貧困
好是文身賊寇徒
毒藥傳勞并刑死
莫能照命握兵符
如逢百六天災厚
不問封侯也被誅

火孛同宮主虎狼傷不死亦主癰疽膿血

詩斷熒惑最能誅孛彗 掃除攬搶為慶瑞

官榮上爵秉威權 百六逢之為禍害

火炁同宮主足文學少子日生屋多火燒

詩斷火星紫炁最廉平 百六逢之慶福齡

逢生必是人間瑞 龍鳳叢中第一人

琅玕經節要

火行順旺或同水月順位高宮仁慈祿厚天乙火臨

不以晝夜福蔭於身職祿雄霸

火星順行同紫炁不拘
晝夜主受積祖福蔭

火水孛星男女多淫夜生宮順招財進祿廟處權治

順旺興隆

火土木同夜照困窮首尾一處非吏即戎或留或逆

刑害重重

火星及土夜照不論三方即困苦之人更同羅睺當
於刑法中立身留逆則多官厄尅害六親妻子順旺
則昌盛之人

火日同行二親殃禍木不照之先代主破火計陰曜
惟宜夜照權掌兵機貴於廊廟

火計夜照威武之人或文則帶生殺之職廟旺則福
祿堅牢

火若在晝逢貴亦凶忽然主背難保善終火木順照
遇惡無凶同吉榮曜益壽添祿

火星照臨十二宮

命宮

火星臨人命主人意氣雄勇急直好勝明敏見快多
學少成得志則寬量失志則褊燥心明性急意直膽
大愛骨肉與人交則不能長古執自持傲上喜大凡
事後悔性不好閒愛技術善醫卜不受拘束不奈觸
犯有枕骨睡多側臥先瘦後肥因災變福始勤終怠
好食硬物夢則雲水波澤荒邱古塚疾則足同脾腎
有膽能權握順旨則喜逆意則嗔夜生逢此廟樂則
文武兼資勇智並用若逢土字計羅同宮主人凶暴

夭折作事迤蹇纔有吉慶事又或顛倒夜生必有九
九之數其事綿延凡事稱遂○火照主性燥暴不奈
人侵欺合主中年抱四時患

詩斷火照命宮心量洪 倚公附勢立身躬

初年財散家難聚 順旺如逢財祿豐

火人不要火居命 兩火炎炎空自盛

若遇火星居天蝎 富貴光華須易熄

身命宮中遇火星 此人燥急性聰明

平生喜怒真難測 凡事須交立便成

財帛宮

初年耗散有似蓮花貯水纔滿必傾多招是非若有
吉星合照同宮則反凶成吉財帛四十八後五十以
前漸漸見發○火照一生招盜損財

詩斷火星財帛旺初年 中主交時恐不堅

若得善星同照犯 末年退後又團圓

財帛宮中要得豐 豈容惡曜故來攻

忽然凶曜來相犯
帑庫炎炎一藝空

兄弟宮

不得祖業又云火星守時皆不順獨行處性也剛雄
○火照主有兄弟雖多終久全不得力

詩斷火臨兄弟事如何
爭競紛紛惹禍多

親戚有恩還反目
自然手足不相和

田宅宮

田宅難靠宜自卓立莫問兄弟父母賦云少失資財

金火同臨於田宅。火照多因官中破。家常被惡人相損。田宅破散。父母家業。

詩斷祖基破盡。豈難窮。火宿親臨第四宮。

若是廟方須發福。不然孤苦一生中。

婦人為夫別沒刑。田宅多逢水火星。

陰陽若是水火曜。田宅逢之却大榮。

男女宮

招三人亦宜桃花夾竹偏。生過房相壓更好。若與土

星首尾合照兼又晝生及六丙生人全不得力孤寡
若晝生火居男女宮必主絕嗣。火照主有雙生之
子貴可得二人之力

詩斷熒惑臨兒長兩兒 在家出外沒尊卑
不然尅害哀傷子 或者傷娘子復悲

火若來臨第五宮 此星凶暴似冤仇
婚姻若得同偕老 男女必定少年憂

奴僕宮

主有僕馬但不久遠六甲生人在此宮者主臨於惡弱之地難享福矣若科甲科名二主高強則無慮也

○火照同

詩斷火德凶殘勢莫回 陷害奴僕愈災危

女人更作當生限 夫位重重見別離

六位如逢水宿來 害刑牛馬定多災

屯殃變異起奴僕 得地專權自劇裁

妻妾宮

多主生離遠別若妻命有此星相抵則無害不然宜娶同庚長歲方保遲得始宜不宜早男二十五前為早男早尅妻女早尅夫○火照主尅宜天婚亦主妻因產厄而死

詩斷火星合主別離居 入宮伏陷少年孤

白日生人為忌懼 夫尅妻兮妻尅夫

生來火宿若臨西 女哭男兒男哭妻

或在五宮三五娶 水宮一箇定無疑

疾厄宮

切忌土宿惡曜同處主有不測之災凶險疾病六根
不足風疾躔身經云火土同臨疾厄宮眼不盲時耳
又聾賦云日月有災八宮見火如夜生不然在消息
論之○火照主瘡疥之疾防漏火之厄有疾不可救

詩斷火臨疾厄要推詳 見物為禎更是殃

假使仙丹能起死 也須身染病臨床

火星八位憂血難 災來非命禍難禁

腰駝背曲缺唇齒 必定刑囚死獄深

遷移宮

居處不定宜外居更好不宜在家若居祖業則難以興發如有凶星合照防惡人侵害財帛及虫獸之厄
○火照同

詩斷火星宮分照遷移 不可將同惡曜推

得在強宮為祿主 姻聯皇族貴當時

火星破命入遷移 遷變東西土產離

客店與人和合住 末年有屋可遷移

婦人不可更遷移 若是遷移是滯兜

火字土星交丑亥 帶兒再嫁要先知

官祿宮

君子一生主文字煩擾如係祿主則少年遷擢文章
出衆才藻非常汪汪如千頃之波浩浩傾三峽之水
用力少見功多受厚祿享重貴若日生見彩雲易散
美處難全喜地有怨福中有禍不宜享福壽不長久

○火照主招惡人連累官災合牢獄之厄

詩斷火星凶燄入官宮 仕列金曹少始終

若在強宮為祿主 會看附鳳與攀龍

火星到卯氣飄飄 非遇宮主亦官僚

水土同宮臨任死 皮袋那知被火燒

福德宮

衣食豐厚倉庫盈積財物足用更得火星合照一生
優游若與凶曜同宮則減其力○火照或忌星或是

尅星年不過四十須招富人有虧尅陷身之事

詩斷火星白日損人壽 若受官班終不久

蝕神忽若入宮來 骨肉妻兒難保守

火星滿用臨強位 十一宮中福為最

道德威嚴禮義崇 騰播英聲盈海內

火星土宿與金星 三辰喜在福宮臨

內只火星為急燥 為人因此失人情

相貌宮

主人瘦薄情志輕浮形神短矮只見他非不責已過
性潔白好戲謔好時喜到底怒時拘到底有人激觸
心中發憤只是片時過心中無事○火照形相惡醜
言語剛烈不服人欺情行忠直

詩斷世間何事最嗟吁 相貌宮中火德居

男性剛強多惹禍 女持箕箒泣前夫

火星行變不為佳 却破兄弟與妻家

若逢計字兼天首 孤窮眉目有痕痕

火星變段名

寶瓶宮天暴星○又名天刑星有心膽能住持

詩斷坎名天暴火為災 夜生縱可日連乖

七宮妻妾多淫蕩 立禍須知妓妾來

磨蝎宮天驛星○又名天德星主有福德轉災為福

詩斷天驛之星為熒惑 此曜偏宜會磨蝎

更加土宿此宮來 富貴功名憑口舌

人馬宮天倉星○又名天穆星主倉庫盈滿內實外

虛

詩斷天星寅位火星臨 官位長生秀氣兼

不值惡星侵本位 重金重蓋爵重添

天蝎宮天輔星○又名天職星主有大職印大貴也

詩斷天輔貴星臨卯位 蝎宮最喜火來臨

祿無失陷身榮貴 名播清聲入翰林

天秤宮天休星○又名天勒星刑尅暴害凶惡

詩斷角亢休宜火來臨 畏逢首尾字相侵

身命遭逢無吉曜 犯罪惡死少光陰

雙女宮狐疑星○又名熒惑星主事多進退

詩斷狐疑軫翼言難定 志大心高疑慮人

女人身命若逢此 順則為厄逆為塵

獅子宮天雷星○又名天時星橫得貴人待用

詩斷火星獅子號天雷 正直無私福祿來

若望太陽人悖逆 更逢四正子孫乖

巨蟹宮天友星○又名天熾星心性戲謔多詐

詩斷四五七宮并第十 名為天友定應孤

若非父母隔絕早 往往偏房寄外居

陰陽宮太虛星○又名天孽星主夫婿孽毒也

詩斷太虛之宿最為良 身命俱逢福壽長

金木并臨須顯達 若逢八煞即為殃

金牛宮熒惑星○又名流血星主怯惡死

詩斷酉宮熒惑最為凶 不問七強五弱宮

若得吉星傍臨照 也須辛苦受貧窮

白羊宮天廟星○又名天赦星逢難自脫明多豐足
詩斷白羊天廟最為奇 禍則消除福則隨

寅午命宮逢吉曜 少年平步上雲梯

雙魚宮披頭星○又名天旋星主疑惑多驚恐

詩斷亥上披頭何所知 虛名虛譽足嗔嗤
若不遭遇留伏逆 曹號揚名處處知

星學大成卷十五

欽定四庫全書

子部

星學大成卷十六

詳校官監察御史

臣邱庭澍

靈臺郎

臣倪廷梅覆勘

總校官進士

臣朱

鈴

校對官中書

臣潘庭筠

謄錄監生

臣薛振基

欽定四庫全書

星學大成卷十六

明 萬民英 撰

三辰通載

五星

土德鎮星

總龜算法置積日減二百六十四以三百七十八日
九分二十三秒為伏見留退一終之數除之又下太
陽中定星內加一周天以餘日數去之

晨伏二十一日七十五分二度七十五分六百十九度而晨見東方

順行八十三日行七度十一分留二十三日不行

晨退五十一日二十九分六十一秒半行三度四十

二分五十四秒半夕退

留三十三日順行八十三日

夕伏二十二日七十五分又與日合

土星論

土德鎮星土之精也一名地羅睽建中宮之氣其色黃其性信女主之象光明順道所在為福變退與逆隨分野降災色青黑主疫疾之患色赤白有兵將荒亂其行宮度一宮住二十九箇月二十八年行一周天行有伏順留逆入留段為暗星逆段為破家星伏段為瘟星

戊生人以為祿元星 甲生人以為陰星
乙生人以為耗星 丙生人以為福星

丁生人以為暗星 己生人以為權星

庚生人以為囚星 辛生人以為印星

壬生人以為刑星 癸生人以為貴星

此星晝生有祿之魁夜生人必為災○楚地逢之衣
祿淺薄須要木曜與之同宮則為禍稍輕蓋楚乃巳
位屬水廟旺之地土到同宮其中反為尅制賦云欲
知淺薄土居雙女則招憂○經云晝生見土事和諧
夜裏生人反為災巳位臨之身淺薄木照縱橫禍不

來○若更係忌星或同計字共度則為禍凶暴為
人自忖不受激觸言語蹇訥狼性毒害作事成敗成
者必因靠勢敗者盡緣邪慾行步大吃食麓有威權
足膽勇能掌握多是非早歲艱難涉歷壽有四旬以
下日中生人若見土者命壽長有九九之數○此星
正廟在丑樂在子旺辰好戌喜午

琅玕經云土廟北方斗宿神旌旗五馬表門庭臨齊
自是招財祿入亢應為土地星與木共金榮貴格或

同炁宿主高名陽宮晝日行宮順老福爺娘壽自榮
○賦云叅政學士皆言土好齊瓶○又云土歸鄭國
好亢而正位天宮○鑑心經云亢上若逢戊己者白
日生人在榜標皆為入廟亢乃辰宮之地稱為亢者
乃星辰廟旺之宿也安命午未者以此為科甲坐命
在酉戌者以此星為官星申子辰安命以此為刑星
復以此為天元印○經云天元一祿少人知申子辰
上土曜推地元元元更高處必多俸祿定無疑不逢

惡曜相刑尅為官權握建旌旗○三元祿主一齊空
火孛羅計入命宮六主一時全陷了定恒求丐路途
中○凡推此三元者要居旺樂之地更有喜星相合
則大貴若更會天宮正祿等星無不顯達

土星歌

鎮星本生戌巳位安靜為尊象厚地晝生惟愛守陽

宮

土星愛日
生守陽宮

相貌之中主大鼻

土星主
人大鼻

少言語多慳

細硬直心腸有膽氣

土在命中少言語多
慳吝心曠直有膽氣

順行度分

廟宮中

土星愛順
在廟樂

土地旌旗必雄貴

土為主若順行
主守土旌旗為

廟樂

掌握資財有福人只怕夜生反為忌留與逆尤

可畏刑尅陰宮身更瘁

土在陰宮主
身短刑尅

不招上代祖資

財四體多災苦憔悴居官惡處立其身博弄操刀能

幹利

夜上在命主不利上祖產業身多有病若有善
星夜生人得免居官惡處立身或厝宰幹利在

家不定
好博弄

夜生人與日會尅了賢尊難躲避太陰母位

不堅牢若在下弦目障翳

太陰在下
弦主損目

木來必定主文

章火會遠行千里外

土木同會主文章
土火相會主遠行

金若來妻早

棄水星忌與刑同類

土金尅妻
水上相刑

若逢華蓋懶慵人字

對雙盲難看視

上紫會主慵懶
與字會主雙盲

首同陰位法場終尾

會腰駝并背曲

與天首同在陰宮法死與
天尾合主腰背曲之人也

財星應有

外鄉財三位徒流為昆季

在財宮得外財
三位兄弟徒流

田宅宮家

破易子息雖多不成器居奴奴引盜來偷西沒主妻

先作崇疾厄宮傷脾胃癰疽風邪堪驚悸遷移作客

盜賊侵官祿重重主官事福宮晝見相貌位自是英

雄多瞻智須知此訣不尋常後學得之莫道易

九曜鎮星名土宿得之未必皆為咎子丑二宮占文
星定主為官分左右○土星入廟最為奇辰戌二方
欣得之南極一星相照處看他鶴髮與龐眉○土臨
齊地及揚州富貴須知必易求齊地貴時須位顯揚
州財盛見錢流○土星最嫌計相望平生一向為災
障對在東西丑未宮四十以後渾家喪○土星不可
入妻宮婦人夫位亦遭凶妻主罵夫無禮義直饒為
婦亦欺公○土星水木反為福見水未能資福祿金

星相次入寅宮初主財多末主窮○土與孛星同犯
主壽高不過三旬許假饒延引未傾亡亦主孤貧無
道路○土人以上為兄弟兄弟宮中无不利五男五
女十為羣獨自伶仃直至死○婦人兄弟土星逢父
母家貧姑舅隆子位或若當兄弟又愁子息早聞鐘
○甲人亦以土為財午未土逢主發財莫教太陰同
在午未年四十死相催○金人以上為父母父母宮
中宜在子此星此宿位偏強宜主雙親福壽長○夜

生專忌土星侵吉少凶多更損身或若更兼凶宿照
且歸泉路作亡人○土躔虛宿竅為宜行順官須宰
相為但得此星來照命縱然失度亦多奇○土入揚
吳傍斗明或來齊地見危星強宮日裏科名共射策
天庭一舉榮○土同亭向命中來當是英雄亂世才
對合更教俱有力股肱王室應三台○土為夜忌固
為災若在強宮亦有財但得奇星為左右不愁晚景
不榮來信厚無過土照人等閒語話懶開唇若逢水

宿身飄泛却愛多言衆不憑

土星殿局朝元

土附太陽曰勾陳鎮殿居寶瓶子磨蝎丑天秤辰宮

為本殿居辰戌丑未為本局愛氏女胃柳四宿為朝
元羣曜叅奉曰地暉受朝輔佐身命太歲值之掌國
權柄致身廟堂仔細推之戌己生人最佳

土星廟樂旺順留伏逆

廟旺樂宮

廣求

土星寶瓶子上磨蝎丑上名為玉鳳玉

珠星若人命限遇之祿馬星辰相生便可言大貴不生本路只作常貴更無祿馬只作三品留逆伏段減半力

詩斷命在巨蟹土寶瓶 生在此方作帝親

三公相國分茅土 攝位邦家紫炁生

土在磨蝎命陰陽 八權之地極熒煌

若得土星行順段 國家侯伯佐堯昌

順段○土入順段者性重厚為事遠大寬慢仁義多

為國戚更遇旺氣祿馬不背有吉宿照臨便是列土
皇侯亦是帝親國戚陰人為后若遇吉曜不犯煞者
亦主為詞翰侍從之臣中天台輔○入後順段為性
如初上朝本宮下臨本國祿馬不背亦是卿監命終
遇煞者便是武職將軍女為后妃

留段○土入留段名為時煞月煞身命逢之皆小小
下賤之流兼主十般惡疾孤獨僧道之人若有救星
主為性清節作事直達祿馬不背須作京朝貴客若

帶煞是都監巡檢之人并為僧道庶人為上等戶若
限逢忌星大減力矣○入後留段為性如初照命者
為上等戶庶人若不入忌限更為祿馬亦作九品官
也

詩斷土星留段號天休 主人作事多懷憂

一生患難常花酒 好作狂歌上酒樓

伏段○土入伏段名為黑煞瘟星性孤寡多為不了
僧道之人愚惡無知兼是兵戎之人無救星多為僧

若見祿馬多於火土上求衣食帶煞者大不祥○入
後伏段身命值者更無救星兼入忌限主人至賤不
近人道孤獨尤甚若又犯煞在身官皆流配五千里外
兼主十般惡疾若有救星只減五分女人風塵之輩
詩斷土入伏段名天豪 陰謀暗慮多牽惹

但是招呼便願隨 相生更不論高下

逆段○土入逆段名為四刑八煞若人身命遇之主
有百般營運趁衣食為性不知前後愚痴暗昧不慈

之輩多為僧道更犯煞入忌陷便斷夭壽百般惡疾
惡刑若有祿馬無救星入忌陷平生清閒之人有救
星減疾矣

詩斷土入前逆名辰負財上多磨散復聚

輔星在命好貪求親戚遠離如萍住

入後逆段為性不知前後愚痴暗昧更逢忌限并逢
惡星別無救助必主徒流婦人產厄

詩斷土入后逆名血淋一生值此必埋沉

凡所運謀多患難 幼年危禍至如今

土星躔宿俱出玉關經玉關歌

土躔角宿名天壽 蓋世文章冠魁首

經綸事業富胸襟 不是公卿主富有

土宿雖是好辰宮 夜入土曜不堪逢

青龍戴角須嫌土 龍蟠泥裏不能衝

土躔亢宿號天仁 博厚文章達帝京

廊廟之中官極貴 安鎮蠻夷四海清

亢宿從來號鎮星 土歸鄭國庸天宮

季位土星為廟樂 同宮木曜福兼隆

土躔氐宿號天牢 命宮若值定孤高

年少定應傷骨肉 中年榮貴免煎熬

氐宿要上壯皇猷 土逢氐宿兩相侔

氐有火星生處旺 更加祿主福綢繆

貴格云鎮星順段度躔氐 旌表門閭衣錦人

土躔房宿號天信 少年作事苦勞心

語言誠信人無妄 男女難招食貴人
鎮星如從房裏過 命天孤寒家自破
七宮妻濫號奸星 留伏之時瘟疾禍
土躔心宿號天忌 性情遲鈍又多災
疾病躔身須天壽 身無意氣性庸呆
心星日卯土相宜 心宿土臨夜不宜
若在祿星兼福主 自然快樂不奔馳
土躔尾宿號天奇 百六逢之必有依

若是忌星須夭壽 又須消息本根基

尾曜雖然號屬寅 中居兩界土逢生

尾火虎居宜來此 此星到此有生成

土躔箕宿號天彬 衣食豐隆却稱情

官位若逢貴星照 國家掌判有聲名

土宿何因入箕豹 狡詐奸雄多計較

定是英豪曹吏人 無事如何又入關

土躔斗宿號天樞 事業文章富有餘

台鼎任中朱紫貴 定須象簡與金魚

斗宿在丑木星臨 方為入廟可無傾

祿主更同陽在晝 土陽宜晝最光明

貴格云土星行度經南斗 間世英雄真國寶

土躔牛宿號天伺 心性溫和衣祿豐

若是夜生多蹇難 身多下賤處貧窮

牛星須要土星遊 土牛惟好退宮求

若是順行逢木曜 土牛殘蕩必無收

土躔女宿號天常 柔順機謀足食糧

經營勞力心多慮 只恐生來父早亡

女宿經躔在兩宮 子丑雙宮在廟同

縱是夜生應有福 日生長福更無窮

貴格云鎮星得此女星居 柱石功臣鎮帝都

土躔虛宿號天冠 好樂之宮定出官

四九度中登宰輔 重金重紫列朝班

虛星四度至於九 好樂土星宜永守

主為將相助君王 福祿堅榮自長久
土躔危宿廟堂窠 祿厚財興事不訛
舉措施為多利便 言柔語順性溫和
危宿土曜入廟堂 寶瓶須樂火相當
火土相生為廟福 若逢木尅必為殃
土躔室宿名天伏 福厚財豐足衣祿
多男多女有資財 家道安然富金谷
室星居亥正為乾 土宿相躔要木堅

木築高堂須要土 土居木位福延綿

土躔壁宿號天異 祿馬豐盈有權位

身名遠播定安榮 官祿吉星須大貴

土星最怕在陰宮 何況來居壁水中

更有月同多冷疾 行宮若遇患脾風

土躔奎宿號天津 貧賤奔波損父娘

若是中年貧苦至 晚年方是足衣糧

奎宿星躔戌亥宮 土宿到此福重重

土好玉奎奎好土 木有根兮土亦通

土躔婁宿號天驕 土婁須要木相逢

婁木雖高非土北 刀鎗之下走西東

婁中土宿災難論 土金相望豈宜婚

倘是夜生憂壽促 平生沉滯性愚昏

土躔胃宿號天磨 財物充盈積倉庫

難婚終是少男兒 不貴仍須還大富

胃宿終來好土隆 土高胃宿有高功

晝日居方為大貴 富貴雙全此壽松

貴格云鎮星度胃正為佳 青史書名功業成

土躔昴宿名天伏 平生須食貴人祿

多因胥吏得榮名 將相聲名人畏服

昴宿在酉正雞棲 土來此位路中迷

那更水星兼字立 凶刑尅戰損兒妻

土躔畢宿號天回 能通經術足錢財

中年便得文章力 兒孫必定達三才

中央土宿鎮之星 畢宿逢之未見明

改易無常人不信 晝生遇着且平平

土躔腎宿號天模 父母先亡身早孤

衣食平平身泊沒 此身應懶讀詩書

腎宿好土樂陰陽 土星此宿好非常

土居坤位災消爍 戊人科甲有文章

土躔參宿號天津 立世經營業未昌

男女猶如隣畔客 貴人得祿信非常

土居申位號長生 參宿之宮亦可行

夜則好閑貪懶睡 日生多學少能成

土躔井宿號天驪 命若逢之心似癡

若習文章應費力 此人衣食也微微

井宿度中夜見土 處世憂勞多辛苦

初主淡薄損六親 末主離鄉多破祖

土躔鬼宿號天文 縱有資財化作塵

男主須防無上下 一生不足歷艱辛

土星守鬼未能靈 遇木逢金事稱情
三合若遇刑煞忌 夜生漂溺在波津
土躔柳宿號天稽 無祿無財又損妻
若是日生衣食足 晚年終是色沉迷
柳上獐星不喜土 多疾破財損父母
夜生刑忌作囚星 閒疾臨身多是苦
貴格云土星若來躔柳度 虹蜺志氣錦肝腸
土躔星宿號天途 子因父貴事非虛

只恐夜生脾疾苦 日生應可足金珠

星日馬中土會來 為人魁偉長身材

且見高官有貴位 再逢吉曜主三台

土躔張宿號天蛾 信行為人事不訛

少年淹滯中年貴 形神肥厚足田禾

張宿怕土固難禁 張月鹿兮怕土臨

人道午宮宜土廟 誰知張土反為凶

土躔翼宿號天然 經術雖通性不堅

會有文章身不貴 聲名遠播足威權
翼宿屬火怕土臨 火蛇棲土福沉深
土臨雙女號別宿 若為祿主定科名
土居雙女事甚常 翼宿之中不可當
日夜見之俱不利 為官極重豈無傷
土躔軫宿號天箋 財藝皆通亦少閑
平生未得文章力 只將經術保身安
土宿入巳人嫌怕 軫位逢辰宜淺度

不為刑忌不夜生 喜曜同臨即堅固

土星行度

土在斗十八度以上為向廟二十度以上至斗三度
為正廟在寶瓶為樂宮在亢宿六度為旺度生時遇
之主為重權

鎮星斗為大室土之廟也在十七度外至二十一度
則居將相二十年若逆入則為元帥守則為王若在
天秤宮亢四度及七度前旺度為大丞相掌國家柄

業之權三十年為國師若是寶瓶虛四度至九度為
好樂之宮有將相之位九年至十八年大貴與木不
相得與水不相宜晝為父夜為母

日度主父貴常患冷疾夜生尤甚為人厚重性有終
始若是主星晝生大貴夜生微福

月度妨母損財多患冷疾好文章足詞智是主星轉
厚若腦後有高骨大貴

木度主有財貴人見重晚年必得男女子力

火度主損父母兄弟四十以前有女人厄盡生一生
有福多因國家特達用之夜生好行凶惡事主醜惡
殘疾若是主星少年多災日後貴

土度大富貴有聲名財產有權位祿馬

金度父先亡三十以前多厄多辛苦必有二妻是主
星有殊常之福每遇貴人見重

水度主人畏服食貴人之祿損男女多被人損害有
木同宮可免

土星入宮

日宮主高位招財日生大吉好事清潔

月宮主父多聲名母先亡損財平生多災每被婦人
相撓與人結交多因此致其厄難是主星可免晝生
富貴不是主星夜生貧賤

木宮主聲名利國家居貴位妨男女養人子為子為
性沉厚作事難測多得貴人見重是主星晝生有位
夜生有財非主星晝生富足夜生有福

火宮主知謀多膽氣性鈍多難有疾病壽不長性凶
好殺官有兵機作事不長遠是主星有貴位非主星
多醜惡殘疾有救星可免

土宮主性格寬緩柔順足詞智見事深遠於人有情
富文章足道藝多利便夜生多難是主星國家進用
身有貴權非主星大富

金宮主尅母難婚少男女老孤一生得婦人敬愛好
色能益因婦人成立足財帛兼有貴位

水宮主為人聰明通經術少言語有文章足財帛是主星晝生大貴夜生微貴不是主星晝生大富夜生多災

土星同宮

土金同宮主好色能盃一生財帛聚而多散有婦人見重得好妻妾亦因女人發旺為人輕薄有二母少子且有二男土是主晝生金是主夜生俱有位金土相逢此命能修合

詩斷土星若曰會金星 妻妾榮華福祿真

一躍禹門能變日 九州之衆悉魂驚

土水同宮主語溢人多不信好圖畫書籍平生多得
貴人見重是主星有祿位

詩斷土星若會水星同 學行孤高膽氣雄

秉節揮戈文武備 福臨百六度無窮

土木同宮主有重位兼足財帛

詩斷木星宜與土星同 百六逢之稼穡豐

會此乘軒須衣冕 記名青史看奇功

土火同宮妨父母兄弟多疾病不宜先代產業土紫
同宮日生貴顯夜生貧苦

詩斷土星紫炁喜相依 冠冕榮身職位巍

丹赤是心剛且毅 德覃萬里足光輝

土孛同宮官至三品

詩斷且如土孛坐天心 須要分明見太陰

不顧留順與伏逆 布衣從此出儒林

土羅同宮主藝高強

詩斷土星最忌會羅喉 百六天災大可愁

人遇一生多困苦 瘟瘡病染坐亡囚

官榮劍染匈奴血 羣少傷人被截頭

異疾怪形保安穩 女須墜產最堪憂

土計同宮夜生貧窮餓死徒配刑名

詩斷土宿計都不可逢 人生薄淺更顯蒙

誅徒溺水兼癰患 百六天災萬種凶

琅玕經節要

土居好樂壽筭彌高畫人得遇順主貴豪夜土多蹇
積財有散富而勞生貴而退懶

土為陽星不為陰夜雖然三方水旺有祿有財終身
勤苦縱貴亦懶而退職

日月土同財帛被失對照三合險危水厄土與羅睺
畫生權謀夜見刑忌衣食日求

日木水火尅刑多凶順旺則吉逆背非忠

土與日月破財離鄉井損頭目尅父母促壽命寒衣
祿招危險水厄土與水火同凶險之人

土計畫同祿財大蓄或同炁水財食豐足廟旺順行
顯食天祿

土金字同畫生豐厚陰夜多刑反招殃咎

一土與金字同日生則吉更行順旺則貴夜照土在陰
宮成敗凶險之徒或犯官刑或為主星却吉各係是
主旺福祿堅牢吉曜若同轉為榮貴

土星照臨十二宮

命宮

守照命宮神色蒼剛形貌厚實偏僻寡合為人沉重
肥壯無力赤黑色性緩純厚為事大體忠直信行執
古務實謹細悔後口不亂言附貴依勢聲應可致日
生則吉若在廟旺之宮更得順行身榮豪富更是主
星當主國王重用在辰入廟官至負外郎與金相逢
長命修雅火曜亭同入主有疾木不相得水不相宜
在子曰八侯之地在丑曰氣衝牛斗火土在丑一品

公卿夜生與凶星同不貧即夭○土照主性燥暴不
奈人侵欺中年抱四時疾患

詩斷土照憂勞人命孤 初年祖業有如無

若逢依附終為有 晝生祿主貴豪居

土德高強臨子丑 富貴聰明世稀有

夜生若乃為忌星 破祖破家那可守

土星居命主心癡 若有文章命裏遲

更會木星并水宿 此人衣食也微微

財帛宮

生來財帛耗散十浮九沉成敗不常未主興旺○土
照合有四方外財多招不義之財因財發福

詩斷土星財上最堪加 田宅凶星反破家

身命吉星須細筭 陽宮日月問榮華

惡曜天中號土星 興災起禍不堪論

若教財帛宮中見 積貯看看化作塵

兄弟宮

不得兄弟力雖有不和

詩斷土臨兄弟五人同得他之力害重重

恐招他姓為兄弟四海相逢也是空

土為信德世皆有兄弟宮中乃陷虧

凡事不情分彼我自然反覆更猜疑

田宅宮

難招祖業早尅父母田宅爭留連宜自卓立方可○

土照合因田土上發福如在日生更主外鄉田宅之

分夜生大破父母之業

詩斷土星尊位為陽德 高占強宮為福力

或在當生四煞中 發禍興災豈能極

土星到丑十分奇 田宅宮中喜得之

若不高科須食祿 亦須置產得便宜

男女宮

只宜一子若入廟則有一雙之力刑忌囚怒則減力
矣○土照主子多有形相不具多見三人少則並無

詩斷土星五位在陽宮 五箇男兒盡送終

忽然孛星相照犯 男孫疾患半成空

土德凶星世所聞 豈教照臨在兒孫

若行留逆都無有 甘旨誰人奉厥尊

奴僕宮

奴僕有主走失若與木曜同宮則至老奴婢成行○

土照主多奴婢

詩斷奴婢宮中見土星 萬般謀運一無成

不如釋道歸林藪 高卧雲中有大名

妻妾宮

多招醜貌之妻亦主相離難為偕老妻命相抵則無
害○土照主多災亦尅頭妻

詩斷莫言土曜便為凶 東出之時看對宮

若落坎宮明健處 雍容壽考福無窮

土宿羅喉不可逢 妻宮正照醜形容

縱使早年成喜事 亦主分離西與東

疾厄宮

有三般惡疾壓身方好如有吉星臨則無妨害○土
照多患四肢脾臟之疾一生忌食四足之物主頭脚
風之疾

詩斷土德來臨疾厄時 凶星皎皎是災危

多因隴啞雙睛翳 不是駝腰必病脾

疾厄宮逢土與羅 一生疾病十分多

直饒紫炁來相助 爭奈家家有病疴

遷移宮

不宜遠出船行陸步慮有驚○土照不利遠行在外
逢惡人刑害失脫財物

詩斷土德當生在九宮 命星合照莫相逢

男女漂蕩他州裏 女子淫奔外姓中

遷移不止是遷居 於中土宿忌牛墟

縱是宅多居好處 亦於妻妾寄門閭

官祿宮

事多啾唧然此乃權柄之星若獨行此宮亦主兩全
富貴○土照必招官中有不測懷憂因文書相連之
厄

詩斷土星官祿占高強 凶惡威嚴不可當

若在廟方為祿主 植圭端冕侍君王

土木同官福祿星 兩星高位最為榮

若逢日裏金為福 夜半生人福又輕

福德宮

一生快活衣食不缺○土照或忌星或刑星年不過
四十須招富人有所虧尅陷身之事

詩斷土星福德照臨時 若處生方始為奇

沙漠揚威名國輔 英聲傳播鎮華夷

土星夜逢多損壽 與木同行有疾牽

更若火金星到福 不愁福壽不延綿

福德宮中土宿臨 利宜商賈又宜僧

吉星對疊家豐足 凶宿逢之活未能

相貌宮

主人醜厚天庭高潤性重眼小則無害眼大則有傷
更若有孛星照臨老定有眼疾不然須有破相終得
壽長所作奸詐多好積蓄喜高堂大廈好山林遊逸
○土照主狀貌方滿稟性重厚

詩斷土星凶熾不堪聞 限弱之宮主禍延

不是年來羅網蓋 須愁狂疾不完身

土星變敗名

寶瓶宮天廚星○又名天貴星日生貴位興隆

詩斷土星子位是天廚 福德妻宮慶有餘

子息命宮官祿位 逢之祿秩達天衢

磨蝎宮祿厨星○又名天富星日生財物巨富

詩斷廟居南斗土為尊 四正宮中達聖君

縱此夜生為日忌 也須榮達感皇恩

人馬宮貪癡星○又名天吝星慳吝不與人和睦

詩斷貪癡人馬不堪逢 耗散多財直至終

更被四刑星照破 日生猶可夜生凶

天蠟宮天梁星○又名天保星多藝能掌握位祿

詩斷卯宮鎮星號天梁 足有資財旺此方

旌表門閭官極品 兒孫代代出朝郎

天秤宮祿庫星○又名祿權星文才厚重有財大貴

詩斷土臨卯元為祿庫 足祿多財又堅固

官崇位顯佐君王 若在財宮主巨富

雙女宮無依星○又名天咎星小人讒佞欺罔

詩斷土星已上無依倚 縱使吉星多不利

日生人病沒資財 夜遇終歸須自縊

獅子宮玉堂星○又名天鎮星主鎮守安靜之福

詩斷玉堂吉星位南離 主性溫柔喜禮儀

黃閣馳名金紫貴 光輝家族顯妻兒

巨蟹宮天相星○又名天福星為事反覆無定

詩斷天相鎮星未中央 性好清閑本善良

若見孛星金助月 功名顯赫佐朝堂

陰陽宮太微星○又名天罡星主事快能有剛節

詩斷太微土宿在陰陽 信義為人百事強

只怕孛星同守尾 却將吉事反成殃

金牛宮都堂星○又名天正星主事正直無私

詩斷酉上都堂土喜事 高名科甲有詩書

只憂留逆并伏段 帶酒貪花百事虛

白羊宮天將星○又名天鰥星鰥寡孤獨

詩斷白羊宮分是天將 喜日相逢會太陽

日土同宮身必貴 更加天壽得延年

雙魚宮黑符星○又名天嗇星儉嗇安靜

詩斷亥上黑符不為榮 空有詞言立不成

火亭相親身獨立 妻兒雖有也伶仃

太白金星

總龜算法置積日加三百七十六以五百八十三日
九十分二十七秒為伏見留退一終之數除之不滿
者為餘日下太陽中定星以餘日數去看有何段積

計成度便知定度

夕伏三十九日行四十九度五十分去日十度半而

夕見於西方

順行二百二十三日行二百五十一度十二分

留五日不行退十日行四度十二分

晨退十日留五日不行順行三百三十三日

晨伏三十九日行四十九度五十分

金星論

金星太白之精一名那頡星建西方之氣其色白其性義將軍之象出依期民安國泰伏見不時兵將暴起將易政其行宮度有前後伏順遲逆段輔從太陽不離前後二宮約法一月一宮一年一周天入留段號天阜星主癆瘵疾入逆段號天赤星為主兵戎入伏段號天虞星主為性癡愚

丁生人以為祿主星甲生人以為耗星

乙生人以為福星丙生人以為暗星

戊生人以為

魁權星

己生人以為囚星

庚生人以為印星

辛生人以為刑星

壬生人以為貴星

癸生人以為蔭星

此星乃文華秀麗專主兵革文章聰明○廟辰旺亥
樂酉好巳喜午

琅玕經云金居財帛福偏饒倚靠他財勢必豪辰上
角星兵任重酉宮躔位引旌旗三方順照多財祿若
遇未申福壽高逆伏囚留俱不遇起世榮貴福堅牢

○賦云西方太白向衛分而益壽延年又云要問榮華大抵金居亢宿○鑑心經云金木之星室宿逢定知名位至三公金星在酉火居婁夜生必定佐王侯○惟金最喜與日月水同宮○賦云生來少疾日月與金水相當○都例經云金水相逢最為美智慧聰明須見水此為有福無難人一生營求皆稱遂此星名為妻妾星若臨得地必為榮只嫌月亭同宮分中年不免被災侵○夫人命居卯戌位者以此為科甲

若高強入廟則主名掛金榜○經云科甲文星對命
宮陷時及第必難逢災遭惡曜相刑尅假使為官是
陰封廟旺更居在四強驚天動地振文章如有吉星
同分度科名登第好稱揚○更有安身在酉辰位以
此為學堂若居高強廟旺則學問必出羣聰明冠世
○經云身宮宮主名學堂相貌奴僕不可當更有疾
囚皆是陷文華縱有命難長○坐命馬牛宮者以此
為官星如臨人命更得吉曜相會無不言美怒則反

是寅上躔度則為愠怒星○經云金來人馬受恓惶
若在相貌宮全減力也

金星歌

金星潔淨好顏容秀目踈眉白又紅身短不長聲響

嘒好耽音律習商宮

金星在人命主形相潔淨顏色紅白身短不長聲響嘒好音律

多淫慾美情悰結交朋友久而恭不奈是非長憫念
更於金鐵巧施工臨身自有將軍勢照命兵權越是
雄妻財有勢才同因妻榮達不曾空

金者兵星也照人身主有將軍

之位 在命主有兵金 為妻主有妻財而遠 太陽遇貴人提挈女主如逢母

外通水會之星淫更佚火逢因色起災凶日生主宿

為豪貴夜鎮令妻貌不中天乙貴好相逢好遊商賈

走西東妻妾愛陪僧與道亭來同枕患殘癰天首若

來居武位尾同至老是田翁居財帛財帛豐三宮姊

妹是同宗金在三宮 只主姊妹 田宅陰人成卓立五宮見女定

重重金在四宮 女人在五宮 只招女子也 第六主妻多下賤七宮妻

不送臨終第八病時休針灸遷移客女作家風

金在八宮

有病不可針灸
九宮客女為事

官祿妻家有官蔭福宮白髮福無窮

第十二宮逢吉曜其人定主美貌容此是前賢微妙

訣學人子細去研窮

金星入廟來天命初主封侯仍佩印若還主將不同
行只資田地樂平生○金星聯水清無比洶湧墨池
才調美如何天下有才名甲子金星魚水智○金星
與水居辰位金木逢龍須入相不居主將不同行亦
主標名金榜上○金星位處利天秤若到金牛分外

明如或更居高強位黑頭定是見功名○金星元來
名六害六親縱有不相愛日生若被火來侵定是少
年須死快○金星最怕太乙星若在高強禍必侵或
在閑極惡星見男須浮浪女須淫○金水二星同入
未婦人凶事成吉利更逢日月近宮行夫不為官須
子貴○莫以金星專福星亦能為福亦為名併得水
星居巨蟹子孫榮耀達天庭○聾盲啞啞全無氣寅
上无嫌不得地若還木位植其星專主斯人失厥內

○祖財多破陰財獲初歲迺晚歲成晝喜日同夜
逢土最嫌火字計來迎○金居婦室主妻多亥午宮
中陷子何若與太陰同照已雙生貴息顯家和○寅
與申宮莫見金有星若更是刑侵此生定作孤貧客
口舌無憑禍復深○常招賢貴為妻室職重權高有
令名廟旺宮中多福力人形方面更端平○忽然紫
炁來相並須知妻有不良聲夜生福緊晝生慢金木
相逢財自成○金木二星為善星所臨非主亦非榮

本位金臨皆有喜即為豪貴顯王庭○在官遷轉加重祿白衣之士選門開若為商旅多財帛士庶人家喜慶來○金入辰宮氣已豪更逢亢宿勢尤高三方不陷行仍順定掌兵權建節旄○入局天權號貴星此星何慮欠科名玉堂深處還他到先着青春折桂榮○金名吉宿處何如祿馬人元要共居主着官鄉如遇此魁名終是唱鴻臚

金星殿局朝元

金星附太陽曰白虎從駕在金牛

酉

天秤

辰

雙魚

亥

為本殿居己酉丑為本局愛亢牛婁鬼謂之朝元若身命值之定為將帥惟六丁生人最佳

金星廟旺樂順伏留逆

廟旺宮

淮南

金入天秤辰上名為天角天曙星若人身

命見之更在八煞官祿宮有星皆主極貴不在本格

亦應三台兩府命不然只作平常命斷之樂宮

梓州
台州

四川金入金牛酉上名為天旭華蓋星若人身命遇之

更若吉星相應又有祿馬更廟樂者主為左右金吾將軍若不帶煞只作文官三品斷之如在別宮伏留逆段則減力

順段○金入順段名為天雄榮達星若人身命遇之皆為福德如身宮不在却斷為淫慾平常之格雖有救星亦平

入後順段○入宮又遇祿馬主京朝之職祿馬不背更廟樂為大官并作宗親之命斷之

留段○金入留段名為天異天阜星若人身命遇之
則癆瘦之病多帶氣疾有救却主多藝音樂之人為
性嬌閑喜華飾多為僧道若有忌星同更在水宮土
宮主為上等官負更帶祿馬須是六品武職○入後
留段為性如初若遇煞者須是屠宰水土木匠之人
命強有祿馬只是五百料錢之人若陰人尅夫多淫
詩斷金入留段號天區 運用遲疑必致虞

凡所圖謀皆不契 晚年禍患必嗟吁

伏段○金入伏段名為天虞天賴星若人身命見之
主為性癡愚多為火刃之藝泥水軍人輩若遇木火
二宿些少刀斧之藝若有祿馬便斷為小小軍員頭
角之人女人主殺夫有救星平善大率女人命須是
夫宮無惡星便清潔若有忌星混雜則是淫濫之人
詩斷金入伏段名為弱 為人如繩自縛縛

究竟不能解其身 致使後思前事錯

逆段○金入逆段名為天赤救盜星凡人身命見之

無救星皆主兵戎之兆多淫慾無慈惠之人陰人遇
者風塵無疑身宮在閑主為刀斧之藝若祿馬行於
木運為九品佐職之人無祿馬主小小刀斧之藝或
為屠宰之人陰命多妨夫

入後逆段○遇火土二星交身宮俱閑兼犯煞并遇
忌宿其人必總兵戎若坐祿却為中福轉達之人

詩斷金行前逆名辰隊 平生多入囹圄內

所為多是不避心 橫惡暗躔不能退

金行後逆名位傷 此星降福甚不祥

父母兄弟皆見惡 婚姻之中更有妨

金星躔宿俱出玉關經玉關歌

金星躔角號天清 少年登第必高名

衣祿生平豐且旺 為官穩穩佐朝廷

金星躔木西方宿 東見西行躔到角

順逆生旺不伏留 權位貴榮能掌握

金躔亢宿號天昌 挺生大節負忠良

文武兼全為宰輔 定應祿位主榮昌

亢宿五度至八度 不為廟旺亦亨榮

金入太常同度分 官居才藝見聲名

貴格云金星躔亢產忠良 佐助中興國祚昌

金躔氏宿號天將 少失尊親性自剛

平生衣祿能文學 貪欲之人損父娘

金躔氏宿事平平 莫與同居月曜并

男子見之多色慾 女若逢之暗室人

金躔房宿名天角 衣食生來殊不薄

為人多義更方圓 形貌端嚴性多學

金來房日兔中居 才冠羣英自有餘

忽逢首尾日月命 女作為尼男作巫

金躔心宿號天孚 未離強祿值身孤

溫良處己心多慙 若是文章一字無

金星喜卯躔心五 喜曜合照有財賦

文人五馬作高官 武則建節當守土

金躔尾宿號天殃 骨肉資財定見傷

若不修仙并積德 定須夭壽見悽惶

尾火虎星半寅卯 若是金臨人至狡

直須水曜解其災 一切所為皆稍稍

金躔箕宿號天彤 妻子乖離吉見凶

總饒家活能豐足 老年不免又貧窮

箕宿更忌太白遊 太白箕躔甚可悲

人馬有金凶且忌 金居人馬奈難修

金躔斗宿號天銓 貪財貪色行非賢

男女雖多身是客 更無衣食少安全

金星入貯斗中安 為主凶星墓絕間

作事總乖家業破 縱登科甲位難攀

金躔牛宿號天繩 色慾多貪命裏淫

衣食生來自豐足 晚年優裕享安寧

貴格云金星度次到牽牛 書史功名應不朽

牛宿正屬土躔宮 太乙躔之作貴蹤

金牛莫待逢夜裏 妻兒孤立一場空

貴格云金星若臨牛宿上 被承睿旨古今稀

金躔女宿名天奸 多男足女少安閒

若是十宮星得力 何愁此地不為官

女宿躔處要金厨 金居女曜掌中珠

金女號為珠貴曜 武人名鎮外藩隅

金躔虛宿名天編 美貌豐容性自安

平生有壽無災害 衣祿隨時性自寬

金性堅剛切忌虛 六親恩愛自情踈

凶殃蹇剝加淫濫 自立生涯出祖居

金躔危宿號天競 溫著忠良性自清

文學定須因女富 文星入命出官榮

金雖死子喜居危 棄祖成家物自歸

琴瑟調和朱紫貴 方知妻子有恩隨

金躔室宿號天勲 必定遷官足貴名

聲振四方持節鉞 任登機密位尊榮

室宿衛分屬雙魚 金星到室貴安居

室宿有金來潤澤 金居室位福應殊

金躔壁宿號天光 彭祖年時壽命長

女人見喜資財旺 美貌豐容性自剛

璧玉從來要金厨 金星玉曜內連珠

金樂此宮偏作貴 金門待詔仰天居

金躔奎宿名天厭 未遂功名心更逸

為人溫厚更寬容 性識孤高應不淺

奎宿真箇好文章 金躔此位實非常

一二度中方作福 金星入火有相傷

金躔婁宿號天鼂 必定為人少失親

酒色是非應不免 晚年富貴樂平生

婁金之宿喜逢金 只恐刑囚火土侵

少失尊親身獨立 夜生猶可晝難禁

貴格云金星為福廟星婁 塞外英雄孰與儔

金躔胃宿號天端 命若逢之五品官

任是兵刑兼法令 定須出入是金鸞
胃宿度中十五半 八度金星偏喜玩
此位樂地命逢着 才藝聰俊人有斷
那頤廟堂星度胃 佩玉鳴金朝紫陞
金躔昴宿號天璋 為官進連任關梁
卿監位中名早得 也須腰紫佩金章
趙分金星助月華 未臨六度昴星加
英才冠世誰能比 進獲陰財長福芽

金躔非宿號天聯 赫奕功名秉重權
不作外臺觀察使 須登廊廟職陞遷
金畢之功至十一 此度之中主大權
如居下位郎官吏 火若同宮妻獨眠
金躔觜宿號天營 冠世文章顯貴聲
翰院詞章身獨貴 也應金紫列朝纓
觜宿從來號火猴 火猴得勢若金鈎
雖是水星無慮火 金居觜宿福難謀

金躔參宿號天晶 學問詞鋒冠世英

若是官宮星得力 定須桂籍早標名

東南有宿號為參 上下相生特夢金

若是遷移宮分土 榮妻貴子惠慈心

金躔井宿是吉宮 高才博學福豐隆

為官定是居廊廟 福及蒼生祿萬鍾

金德循行陷井旁 奸淫妖濫事難當

大陰并遇人貪色 文武兼資順度良

金躔鬼宿號天淫 婦人遇着惡聲名

戒行不循迷酒色 平生衣食却豐盈

鬼星元屬鬼金羊 金來此位福深長

長庚到鬼應加福 金宜此宿大為祥

貴格云金星偏喜躔鬼度 榮顯富貴福無窮

金躔柳宿號天關 快樂平生衣食閑

貴人知重多男女 錢物豐盈性自寬

柳曜經躔午未邊 金來柳位福難堅

命曜若躔十度上 穿窬奸宄計爭先
金躔星宿號天熒 理義精通學業深
更若火星來會此 是非酒色定奸淫
金居星位有何奇 金火相逢去路迷
須要水消金始白 火炎金白福攸基
金躔張宿號天暘 財物多貪行不良
若是妻遲難得子 衣食平平壽命長
金星張宿號金堂 身若逢之最喜強

祿貴更加人有職 三方雖背貴人昌

金躔翼宿號天英 學問文章顯大名

經術更能修顯著 此身榮貴樂平生

金係武星恢武業 只為金宿走翼蛇

財庫祿行如遇着 更同水德甚堪嘉

金躔軫宿號天程 口舌輕狂凶害生

言語不真心泛濫 多汙非禮事奸淫

軫星最喜金來到 際會遭逢命中坐

女兒雅麗男英才 此身永保無災禍

金星行度

金在天秤是本宮角九度三十分以上為向廟亢二度八十一分以上為正廟過此為次廟在室七度十三分為正旺牛名為樂居此廟旺樂生人必主權國柄太白亢為精粹金之廟也在五度外八度內為正廟二十年為將相之位有文武全才負忠良大節若在魚宮臨室五度及十三度處機密之務居節鉞之

榮旺十八年若十三度雖居貴位心常不快為節度使若在牛宮冒八度至十一度官至五品十二度至終度主兵刑之任法度之官自昴初度至九度為卿大夫關梁之任三十年

尾女有厄自七度至十一度必為司馬畢初度至十一度並主大權若在下位郎吏之官若見火不宜妻火同宮妻不良與蝕神居位男為覲女為巫與木相宜與水相妬見火為淫晝為女人好色夜為狡猾男

子

日度難婚性凶猛好爭戰有出長之計因戰伐而立功名若聲語細前後必有七星是使相之財也月度主多淫因婦人財物上立身或娶下人為妻行非禮之事男主貴女人遇之主淫

木度主武勇超羣常歡樂快心性足財物貴人見重
○火度因女人有喜平生難婚偶亦被婦人損陷○
土度主晚婚娶妻老幼不等相去十載以上者少年

離鄉井因妻妾有憂好色欲財帛聚散不定是主星
主有位

金星主有兵權之貴好色慾有好男女

水度得人敬愛有好妻一生貴達合娶親戚女為妻
不然先姦後娶

金星入宮

日宮主為人性剛作事無定多得貴人見重難婚偶
是主星有位非主星長壽若行留逆段行不良多被

婦人相撓

月宮主為人性作事明白有密謀善貯積因女人財物日生好女人之事是主星夜大貴晝微貴不是主星夜生大富貴晝生有禍

木宮主聰明有智性格過人作事敏捷得女人之財有聲名因貴人有喜是主星晝生有財夜生有位非主星晝生微富夜生大富如對望合照性格並同亦主有福

火宮主為人性急燥作事無定因女人有厄及口舌
狂亂是主星有福夜生有位非主星有道藝逆行諸
事減半

土宮主為人好歡多色欲少男女每得貴人見愛土
同則為事不正下賤之人是主星夜生有位晝生有
財有福能掌財貴人見重非主星微有福矣金宮主
為人聰明作事和緩日生好女因女人有厄是主星
有貴位非主星晝生有福夜生微有職位水宮為人

聰明智性超羣見事敏疾有節操是主星轉加富貴
畫生微有職位不是主星多因婦人引惹因而獲福

金星同宮

金水同居文武雙全平生有極貴人舉薦若水是主
星日生主文中成事有貴權不是主星亦主文中立
身微有職位金是主星日生主武中成事夜生大貴
留逆者雖有文武之藝主平生多難淹滯不可作貴
人

詩斷金水三星若相會 俯取官榮如拾芥

大凡遇此喜非常 百六逢之多吉泰

金木同宮主大富貴人又多子孫女即殺夫

詩斷木星最喜會金星 吉曜相同百福興

百六會時多吉泰 人生指日到公卿

金土同宮主難為妻亦忌門戶不正濫有財物少男

難婚偶

詩斷土星若曰會金星 畢世榮華福祿興

一躍禹門三汲浪 九州之衆悉魂驚
金火同宮主妨妻妻不良多淫慾

詩斷火星慶會喜逢金 百六當之慶瑞生

人生逢之登上第 佳名烜衍保千尋

金炁同宮主性溫良難觸犯有志節心多慈愛敬信
佛道有事業壽長有祿

詩斷金宿相逢紫炁星 禹門先躍化凡鱗

威權重大為將相 變理陰陽輔帝宸

金羅同宮主有兵權之貴

詩斷金星不喜逢天首 狼戾奸凶為契友

富豪苗裔也卑微 百六逢之殃不少

金計同宮主墜馬死在中年

詩斷金馬設若逢天尾 人生奸邪愚且詭

百六當之大不祥 財散人離災病起

金亭同宮主少年多尅晚年有祿

詩斷金星與亭若縱橫 百六逢之大吉亨

人產遇時須發福 家居全不保康寧

琅玕經節要

金乃右弼與日晝同益於權勢廟旺推之致身豪貴
水木同宮文華巧妙處性清高子孫續紹

羅睺同宮兵權之重天乙對同貴而富厚 金土晝

同福壽堅牢更加廟旺自致貴豪 金與火宮若同

在晝刑妻破財尚招災咎更在留逆傷殘損壽若遇

順行文武重權夜合火照各臨旺喜壯歲成名位居

主將 夜同計字亦凶亦貴主臨旺地掌握權治凶
險之多財祿俱備畫若逢之還破福纏福星不救天
促天年不逆不囚入逢喜樂財祿豐盈福終到老

金星照臨十二宮

命宮

守照命宮主面滿骨堅神色明潤語聲響亮才性快
利武勇超羣好習兵法為人慈和方正曉事通達為
事善方圓有文學多情慾好盃飲性剛人形方短不
招凶厄得陰人財亦主損妻心明性巧快利易曉懶

文輕學好事華飾心不伏人不喜靜密少不成財心
無慳鄙所為多義更宜祖業能獲陰財外祿陽金好
色陰金好聲在申多武在辰曰入地之前在酉曰總
管之前在辰酉二宮主官祿在卯戌二宮少失尊親
亢室榮華室宿長年與火同宮在午主失財與土相
逢長命修合與日同行主欲與太陰同行主夫美貌
金木同行及第高名紫炁會星是謂孤星主有名僧
道又須限星得地方可斷與首尾同宮男巫女尼忌

日火同在諸宮為害與水同在六宮主夭壽忌火字
紫炁

詩斷金星照命氣雄豪 妻美兒遲晚歲牢

莫使當年凶忌犯 文章妙麗入詞曹

金星臨命性難慈 將相多淫美貌姿

若被火星相照視 却於官位反成虧

財帛宮

主晚年妻財○金照一生有陰人財帛其人吝嗇

詩斷財帛宮中喜金碧 角亢之宿并昂畢

堆金只為辰從龍 遇火鑠金渾無迹

金居財上喜為深 多招女祿衆人欽

只憂火字來相尅 惟恐中年早退心

兄弟宮

主三人皆得力○金照主有義姪可保四人見二人

力

詩斷第三宮中見金星 義斷分金弟別兄

雖是雁行親手足 反成背面少恩人
木星兄弟忌金星 金絕於寅合主刑
人馬金居忌星尅 同胞兄弟異途行
田宅宮

主得祖業父母俱慶衣祿自然○金照主有絕戶陰
人田業成活之象

詩斷金星吉曜成奇福 田宅逢之主厚祿
上下加臨不可刑 畢世安榮自豐足

男女宮

長宜女次則男夜生人三男二女或晝生人更在寅
上兼六乙生人見之只宜桃花夾竹異姓偏房之子
○金照先見三四女後見一二男

詩斷金星第五便為奇 子息當推有四兒

莫使同宮因火尅 榮宗榮祖福無涯

奴僕宮

奴僕亦得力○金照有女使進六畜

詩斷金居奴僕尅少妻 水金輔陽男女貴

只因五六正相隣 名達天庭振經藝

妻暗私期奴僕宮 星逢太白金難容

因之逃走家財物 難保驅馳去險中

妻妾宮

妻主聰明溫良直雅若有太乙月孛羅睺計都凶忌
星曜則主尅妻賦云尅妻害子太乙與首尾同宮無
此星則有偕老之期○金照妻不良

詩斷金星本是號妻星 要在高強廟旺宮

夫婦共榮多福兆 蠲消災患更無凶

娶婦生離仍帶子 只為妻星犯金土

未亥辰方三位強 又須娶婦置田庄

疾厄宮

主有小疾若六丙六戊六丁六庚六辛六乙生人見
之不妨○金照小患不可針灸

詩斷疾厄金照本為良 氣概英雄少咎殃

火李相將皆此會 直須骨折與根傷

遷移宮

出入吉利道路平 寧營運稱心未主大旺
○金照宜 出入招損僧道陰人喜重衣食之分

詩斷金星得地照遷移 調任榮遷福自宜

若更命無凶曜照 仰觀平地上雲梯

官祿宮

生來少官事防有女人仇 賴君子得之早年食祿無

有淹滯○金照得金玉於陰人兼得陰人舉薦立身
宜求公無刑禁

詩斷官祿宮中太白星 照臨方地產豪英

若為祿主居強位 文在廟廊武帥兵

祿星守此立科名 切忌三方惡曜侵

縱有文昌相助限 為儒不第一生貧

福德宮

衣食榮旺受用不少若在燕分與凶星惡曜同宮則

先凶後吉又忌照破男女須用子細推詳禍福○金
照主有福祿稱意財食大來立身高上常有貴人喜
重

詩斷金星福德最稱奇 德照高門長貴兒

冠世雄才據錦繡 禹門一躍過天池

相貌宮

為人端正性格聰明身材却好衣食榮旺凡在相貌
宮者無星更好○金照主形相分明作事有權十相

無破

詩斷金星相貌並西隣 一部髭鬚胡口人

若遇貴人相接引 定為曹吏處公庭

惡弱為臨天秤宮 凶星成吉吉成凶

惟逢金木乘龍路 父母妻兒亦蔭封

金星變段名

寶瓶宮白獸星○又名天色星主色事為美人敬

詩斷坎宮白獸怕逢金 火字加臨禍最深

若見水星怕月助 一生方得免呻吟

磨蝎宮天廩星○又名天妖星主妖怪好師巫

詩斷天廩之星到斗牛 資財足祿廣田疇

兒孫貴顯家門盛 自有聲名播九州

人馬宮絕體星○又名四刃星因色傷身婦人犯惡
死

詩斷岱岳峯前金絕體 縱逢吉曜也頑愚

慳貪鄙吝無高下 女作娼兮男匹夫

天蝎宮地劫星○又名天媚星主媚惑淫欲也

詩斷地劫宮中怕太衝 其星失位祿難逢

無名無利刑妻子 祖業田園沒始終

天秤宮金鸞星○又名天貴星因陰貴人成祿

詩斷金鸞之宿最高強 財福加臨見寵光

金木逢龍為福德 定知名譽四方揚

雙女宮太白星○又名天軍星主兵軍武貴也

詩斷太白金星主大權 喜臨楚分息塵煙

出則將兮入則相 三分足用喜駢駢

獅子宮天陽星○又名天淫星主好色

詩斷天陽喜遇太陽宮 西地朝南臣盡忠

人子孝廉存禮節 更加爵祿自重重

巨蟹宮右弼星○又名天欲星主陰人多淫欲

詩斷金星右弼最為良 四正宮中及學堂

只忌六宮并十二 文章縱有也荒唐

陰陽宮天辰星○又名多情星主到處情色有也

詩斷金臨申上號天辰 順則官超逆則貧

若在十宮為福利 如臨五弱反為逆

金牛宮白虎星○又名那頡星主兵權領將軍勢位
詩斷金精白虎到金牛 文武朝班列侯

若是垣宮行順廟 子孫代代福優游

白羊宮天哭星○又名破祿星因陰人惑成親後失


詩斷白羊金曜為天哭 怕行星火絕天祿

若遇高強得自然 五弱相逢壽難續

雙魚宮天景星○又名天陰星得陰人為貴福

詩斷景星到亥四方明 室壁加臨祿有情

君寵臣兮臣盡職 莫愁官祿不昇騰



星學大成卷十六